

足太陽經見症治例

夫足太陽膀胱經乃諸陽之首主氣為四通
衝故多傳變受病為先其經起目內背精明
下項連風府行身之背終于足小指至陰穴其
頭頂痛腰脊強惡心拘急體痛骨節痛發熱惡寒此
是太陽經表症標病若有一毫頭痛身熱惡寒不拘
日數多少便宜發散自然熱退身涼有何變症要在

脉靜為不傳脉燥盛為傳也治之一差變症自出若
或發熱煩渴小便不利者此是足太陽傳本病宜利
小便若小便自利如常者不可利之利則引熱入裏
為熱結膀胱其人如狂等症又不可下下則使表邪
乘虛入裏則為痞滿結胸協熱下利不止等症如當
發汗不可太過太過則為亡陽肉瞤筋惕等症故有
汗不得服麻黃無汗不得服桂枝有汗不可再發汗



汗多不可利小便也

辨脉 浮緊有力是傷寒浮緩無力是傷風脉浮煩渴小便不利是熱結膀胱是傳本病宜利小便尺寸俱浮者太陽受病也

辨症 自汗因表虛乃風傷衛氣是標表病宜宣表散邪無汗因表實乃寒傷營血是標病宜發汗身熱煩渴小便不利因熱結膀胱是傳本病宜利小便



用藥 冬月症傷寒無汗用麻黃湯傷風自汗用桂

枝湯三時無汗用芎蘇散冲和湯正氣散選用三時

有汗用加減冲和湯羌活散熱結膀胱用五苓散

足陽明經見症治例

足陽明胃經乃兩陽合明於前腑居中土萬物所歸

其經起于鼻額絡于目循于面行身之前終于足大

指之次指也其症目痛鼻乾不得眠頭額痛身熱微



惡寒此是陽明經之標不拘日數多少便宜解脫若
身熱煩渴欲飲水汗出惡熱者此陽明經本病也當
清解邪熱若潮熱自汗譫語發渴不惡寒反惡熱揭
去衣被揚手擲足或發斑黃狂亂大便燥實不通或
手足乍冷乍溫腹滿硬痛喘急此三是陽明胃腑本
實病也急宜調胃承氣湯下之凡自汗不宜利小便
利之則津液枯竭也

辨脉 微洪熱在經洪數熱在腑沉數熱在裏
俱洪者陽明經受病也

辨症 身熱目痛鼻乾不眠者是標病宜解
煩渴欲飲水汗出惡熱是本病宜清解邪熱潮熱及

自汗譫語發渴或發斑黃狂亂大便不通惡熱是本
實病宜急下之若元氣本虛弱者宜蜜導法

足少陽經見症治例



足少陽膽經前有陽明沒有太陽兩陽交中名曰少
陽主半表半裏緣膽無出入其脉起于目銳眦瞳子
竅上上頭角絡耳中循胸脇行身之側終于足小指
之次指竅陰穴也其症頭角疼而目眩胸脇痛而耳
聾寒熱嘔而口苦胸滿而或心下痞悶此是少陽經
半表半裏也本經不逆標本逆乎中治有三禁不可
汗吐下不可利小便也只宜和解表裏隨手而愈凡

頭角痛耳中痛耳邊腫耳中哄々而鳴耳中上下腫
痛或脇滿痛皆是少陽部分邪火為之若口苦少陽
胆熱也脇下腫痛者少陽邪結也治之得法有何壞
症當須識此宜詳審之

辨脉 脉見弦數本經病也

辨症 頭角痛而目眩胸脇痛而耳聾寒熱嘔而口
苦心下滿悶者即是半表半裏症不逆標本逆乎中

治

用藥 本經症俱用小柴胡湯隨症加減每無別湯

治足太陰經見症治例

足太陰脾經乃三陰之首名曰太陰中宮坤土其脈

始于足大指隱白穴上行至腹絡于咽連舌本隨身

之前也其症身熱腹滿咽乾手足溫或自利不渴此

是陽經熱邪傳入太陰標病宜柴胡桂枝湯平熱若



腹滿痛渴燥身目黃茵陳湯小便赤大便燥實不通
亦是陽經邪熱傳入太陰本病宜桂枝大黃湯下之
若初病身不熱口不渴頭不疼就便怕寒中脘腹滿
痛或吐瀉手足冷小便清白或嘔噦此是本經直中
寒邪本病宜理中湯溫之若初起病無熱不渴止有
胸膈脹腹滿悶面唇皆無光澤或嘔而腹滿痛手足
冷自覺不舒快少情緒其脈沉細此症不因嗜欲皆



醫宗中

因生冷之物傷于脾胃故為內傷寒也治宜治中溫散內有寒熱兩端不可混治務在得宜

辨脈 沉緩熱在經沉寔熱在腑沉細寒在臟尺寸俱沉者太陰受病也

辨症 身熱腹滿咽乾手足溫者是傳經熱症標病宜平熱若腹滿痛燥渴大便不通或身目黃者是傳腑熱症本病宜下之若逆冷腹痛吐瀉者是中臟寒



症宜溫之若生冷內傷寒症宜溫之

用藥 平熱用柴胡桂枝湯若下之用桂枝
大黃湯

若身目黃用茵陳湯若溫之用理中湯溫散
用治中

湯

足少陰經見症治例

足少陰腎經乃人之根蒂也三陰交中名曰少陰其

經起于足心湧泉穴上行貫脊循喉絡舌本下注心

胸行身之前也其症引衣踳卧而惡寒或口乾唇燥
譫語發渴大便不通此因陽經熱邪傳入少陰
宜急下之若初起身熱面赤足冷脉沉此是本經自
受夾陰傷寒標與本病也宜麻黃附子細辛湯
散寒若加煩燥欲坐卧于泥水井中雖欲飲而不受
面赤脉沉足冷此是陰極發燥本病宜四逆湯合生
脉散退陰回陽溫補若身熱面赤足冷煩燥欲渴揭

去衣被脉數大無力此是虛陽伏陰標與本病宜溫
解表裏若初起病頭不疼口不渴身不熱就便怕寒
厥冷倦卧或臍腹痛而吐瀉或戰慄面如刀割此是
本經直中寒邪本病宜四逆湯急溫之若無熱惡寒
面色青小腹絞痛足冷脉沉倦卧不渴或吐利甚則
舌卷囊縮昏沉不醒手足指甲皆青冷過肘膝心下
脹滿服藥不受此乃夾陰中寒本病宜人參四逆湯

溫補之其前少陰有身熱者是未離于表也六經之
中唯此一經難辨大要以口燥渴脉沉實有力或大
便不通者知其熱脉沉而遲別其寒至陰經則難拘
定法或可溫或可下因分直中傳經此發前人
未發也

辨脉 沉實有力熱在臟沉細無力寒在臟數大無
力是虛陽伏陰其夾陰傷寒夾陰中寒陰極發燥脉

皆沉也尺寸俱沉者少陰受病也

辨症 引衣倦卧而惡寒或舌乾口燥大便不通者

是傳經熱症本病宜急下四肢厥冷臍腹痛瀉利者

是直中寒症宜急溫之伏陰是標與本病宜溫解表

裏夾陰陽寒是標與本病宜溫經散寒夾陰中寒是

本病宜溫補陰極發燥症是本病宜退陰回陽

用藥 宜急下大承氣湯急溫四逆湯溫解表裏加